

## Iraqw - Qeelu Slaqwara Gooi - SW Intro Scriptures

Luka 17:5 Ya/abuuse Aako guri beér, "Haratlintaaorén na doogang."

Rumi 10:17 Gawaá adoorihe gár haratlintaaór huwahuuw, a Ya/abtoodá' ta axaás, nee Ya/abtoodá' baraá axweesantá Kristo gan dáhh.

Luka 11:1 Yesu iwa dirká wa firiirin, firooro iwa hhe'eés, kuri báy nee eeharusmoowós oo wák, "Aáko, atén ti intsaahhatis firooro, adoodá' Yohana eeharuuseerós ngira intsaahhatís."

1 Timoteo 2:1-4 Gár ni gawdeemiis ta muruú hatlá' sleémeerowo a tí, firo nee saaliingw nee aleefiro nee sluufaay, muruuwí sleémeero i tleehharuti as muu sleémeero. 2 Waawitá aleefiriiriimaak nee kudá' aleesleemuú koomá' sleémeero, as atén tawa hootaan ar slafíngw amohhooa nee oo wayda, Mungú kuwa haratlintatiaan nee tawa hootaan ar adoodá' hariim. 3 Adoorí ka hhoo', slám Mungú Ba/amusmoorén gu sla'atimís. 4 Inós muu sleémeero gu slaa' iwa ba/an nee looeema ngiwa xuiya'.

Luka 22:31 Yesu iri oó', "Simóni, Simóni, ga/aaweeek, Neetlaangw kuungá' naa slaá' nuwa hariitleesi adoodár angaáno kur haritleemamisi.

Sakaria 3:1,2 - Yuda 1:9 Ala tam Mikaeli, malaykamoodá' úr, qoomár tiwa tlaampa'aasiyé' nee Neetlaangw daanduú slaqwtá Musá wa ale, aa qiitliiká sleeme nguwa /ooslin, aqo ina oó', "Aako kuúng u iigahhaati."

Efeso 6:12 Asma wakuusér nee atén slaqwá' a mukooká, ala a waawitá nee kudá' aleesleemuú koomá', kudá' waawuti'iimá' daanduú yaamuuká' giwtír kooma'a, nee neetlaamér tlakw ar baraá yaamaá queeru.

Efeso 6:10,11 Gimsé', ilakaaharu tleehhaak baraá Aakoovo, nee baraá aleesleemuú /uuruuwose. 11 Xoslaá slaqwarár Mungú sleémeero oohaak, as al/aymár Neetlaangw daqaní ila/aaro a aleesleerá'.

Efeso 6:13-17 Gawaá adoorihe xoslaá slaqwarár Mungú sleémeero oohaak. Deeloodá' tlaakw bál binda hardát, daqaní wakusmoodá' u aleesleerá' kuwa baqa', nee arba/ato burá hhe'esé', ta sihitano hhe'esá'. 14 Gimsé', ti amohhe'esé'. Siinootayhúng a looeema. Gaambór ta da/eewár qoomesa' a gan'amu. 15 Nee ya/ataá ta dahasa' a sla'aaridá' Ya/abtór hho' ar wayda kawa alki/ita'. 16 Nee gaambór ta koonda' umuúqo qoomaaro masók a haratlintaaao, nee gaamboósinge daqaní kuungá' maheeri sleémeero awa Neetlaangw, kudá' asltá koomá', i aleesleerá' baqto. 17 Ba/ama oohaak sleeme, tawa kofiíyár gawit ar ta ságw i qasa'. Nee paángár Queeru oohaak, an axweesantá Mungú.

Ebrania 4:12 Asma axweesantá Mungú i sláf. Nee slám i /uuruu koón. Nee i xarásl ló'wa ale tam paángár afe tsár ga bá/. Axweesantá Mungú i dát baraá heé i alé, queeru nee muuná giri parátl, tam fadu nee waeemoowós giri parátl

sleeme. Nee slám axweesantá Mungú inslawoó hee gu sakwasleemút, nee umuúqo gár i slai baráa muunaáwose.

Luka 4:8 Yesu iri oó', "Kaa gooín, 'Aakoó Munguwók na i tumbarara'ateek nee ku sagadiyús inós kilós.' "

Efeso 6:18 Muruuví sleémeero tlehhiitaak ar baraá firo, tawa firiiriinda' umuúqo daqto ar /uuruú Queeruú hhoohhoó'. Gawaá adoorihe dalaaé' tawa kumita' baraá firooro, muk hhoohho' oo Mungú sleémeero kuwa aleefiriiriinda'.

1 Samweli 17:45-47 - Daudi & Goliath

Luka 10:17-20 Kudá' mibeeraá faanqwm nina ki/iyé' ar qwala/, ta kaahi, "Aáko, tam neetlaame sleeme tina ilaiwawá/ as kuúng." 18 Giri báy, "Án Neetlaangw ugwa ár, i gawaá doorí wa /e/eetín adór mankari. 19 Ga/aawaagáy, aleesleemu nguna haniís oo dayshe nee xeeraawe kiwa adarata', nee /uuru sleémeero kuduú wakusmo, tam gár kuungá' nu aw i káhh. 20 Ala ma qwalala/aara' as adoodá' neetlaame nuwa ilaiwaawa/. Ala na qwalala/é' as umerhúng kawa gooín gawaá dooriwo."

2 Korinto 10:3-5 Ar ló', atén a muu oo baraaká' yaamu, ala atén a slaqwanaaká adórslaqwarár muk baraaká' yaamu. 4 Xooslaadárslaqwara ar atén tar slaqwaan a tidár muk baraaká' yaamuuwooká, ala a xooslaadárslaqwara ar Mungú, tidár /uuruú koom. Xooslaarí an tidár koo/idár /uuruú koom ar gixsa kar fee/aan. Gár atén ta fee/itaan a axweesanayduú lama, kudá' Mungú tlaampa'aamiís. 5 Nee slám gár atén ta fee/itaan a umuúqo inslawaywo, kudá' iil/aám, oo daara/ángw koóm, oo taa tleéhh as hee iidíguú Mungú munguwa xuú'. Atén umuúqo inslawaywo un ohiimaán, nee kuwa iialooetisaan dír Kristo i alé.

2 Timoteo 1:7 Asma Mungú muunuú dae ngwa atén i haniisiiká. Gár naa haniís a muunuú tawa kumiitaan /uuruú ar alé, nee oo sla'aari nee oo qoomoó koóm.

Matayo 12:28,29 Ala aníng bar neetlaamér gusiisiím ar Queeruú Mungú, waawuti'iimár Mungú naa qaroó amorhúng i hardát. 29 "Hee dahamu gu aleesláya baraá doó heé /uuruú koóm, heedaádá' /uuruú koóm burungwa tseegiiká ala alé. Ala burungwa tseék, daqaní do'ós hayoharo gu aleesláy.

Efeso 1:13 Kuungá' sleeme baraawose iidíguú looeema ugwa axasé', iidíguudá' hhó' oo ba/amarhúng. Slám inós ugwa haratlitié', Queeruuduú al'axweesani, kudá' Hhoohhoó', nuri dugunoó i qaás.

Lehhema'aá Ya/abuuse 19:6 Nee Paulo dabaawós qaasaro ngiwa hhe'eés gawaaín i alé, inooín Queeruú hhoohhoó' nguri slayé'. Tari axweés ar tsifrír xuawaslen, nee ya/abtór amór Mungú daahh kari axweés.

Marko 16:15-18 Giri báy, "Tlawsé' baraá yaamu sleémeero, Ya/abtór hho' alki/iitaak dír muu sleémeero. 16 Oo gaa haratlintatii' kway baatiís ba/ama ga slay. Oo gaa haratlinti'iiká ku sakwasleemuut. 17 Nee layuuká' ti koná' nee mukdá' gaa haratlintii': Neetlaame ka hingeemiis ar /uuruueé', ta axwees ar

tsifrí /aben, 18 dayshe tamka ohín, laqaá gár tsu/uut barka wáh, gár gi aw i káhh tam ar niiná. Dabaaín birka gawaá tiqtusér i qaás, ta hunguu/."

1 Yohana 1:9 Tlakweemaarén bira hhu'u'uumaán, inós an kudá' axweesantós boo/eemiís, nee kudá' gan'amuú koóm, inós tlakweemaarén aqo gin gurtláy, tiri hamaatl muruú tlákw sleémeero kudá' ta tlehhahhitaana.

Wara'amto 109:17 - Yakobo 3:10 Gawaá afkwihe gár ti'imiit a tsuuqa nee lo'o. Gawaá adoorihe hhaee'eé', muruú adór kwí miwa tleehharuút.

Sakwasleemut 16:16 - 2 Petro 2:7,8 Ala Mungú Lutu guna ba/amís. Inós a heé gan'amuú koóm. Inós kuna daawitimiís nee slafíngw slasla/arén oo mukdá' tlákw oo yaamuudá' wa hoót. 8 Heewí gan'amuú koóm nee oo Mungú ilaiwawaá/, inós ina hoót baraá tla/ángw mukdá' wa ale, umuúqo deeloro kuri slahhe'eemiís baraá muunuúwose, as muruudá' tlákw sleémeero oo aa ga/áy nee aa axamiís.

Efeso 4:26 Kuungá' bar aga buhabuhhé', ti harmagahhe', tlakweema mi tleehhara'. Nee buhhtaasíng mindiwa baraá munerhúng wa kumiitiyé' nee looa iri dát.

Rumi 14:12 Gawaá adoorihe umuúqo heewo baraá tla/angwrene iidíguú slafiingós gu alki/iit dír geerá Mungú i alé.

1 Yohana 2:23 Heé Garma gwa tlaank, tam Baabá gwa tlaánk sleeme, oo Garma gwa ya/an, tam Baabá gwa ya/án sleeme.

Yohana 14:6 Yesu iri oó', "Aníng an loohi nee looeema nee slafiingw. Heé naa dir'eé' ar oohiikág, i amór Baabá i hardiiiká.

Matayo 11:28-30 "Qwalaasé' amor'eé' kuungá' sleémeero awa daawimiítá' nee awa huuwa aa al iilouúr, án kuungá' nu hungu/uús. 29 Ingitir'eé' gawaá sum'ihúng i qaasaak, dir'eé' wa intsatsahhaak. Asma aníng ti tsatsa'aár, nee muunuúeé' ku gurhhoó'. Daqaní kuungá' amohhoa a sleerá' baraá munerhunge. 30 Asma ingitir'eé' i natsatsá' nee huuwar'eé' ka inslaahh."

2 Korinto 6:2 Asma Mungú i kaahi, "Qoomaadár grtleemuwo aníng kuúng una iiár i qaás. Nee bál ba/amaro aníng kuúng una alee/iís." Ga/aaweeek, qoomár grtleemu an hamí nee slám baalár ba/ama an laarí.

Rumi 10:13 Asma Gooi i kat gídaabá, "Umuúqo heewo kudá' umuú Aako gu ateetiím i ba/án."

Exodus 20:5 - sin cursed to 3 & 4 generations